

արարեալ 'ի դատարանէ՝ եհան արտաքսեաց զԳեորգ 'ի վանաց՝ և եհաա զհաղորդակցութիւն նորա 'ի միաբանութենէ՝ թէպէտ արտաքսեաց Գեորգ եւ խոստովան եղեւ թէ՛ յանձնեցի զամենայն ինչս վանաց, սակայն ժխտեալ խոստմանն, պահեալ էր զմանս յանօթոց առ իւր, և ստամբակեալ յուզէր խոսովութիւնս 'ի մէջ միաբանաց. այլ և այլ պատճառանօք և ստութեամբ ոչ կամէր յանձնել զոր պահեալն էր, և այս ազմուկ և խոսովութիւն նորա տեւեաց ամս եօթն. որոյ վասն անձարացեալ Յովհաննու, յանձնարար զինդիրն Մկրտիչ եպիսկոպոսի և Մանսուրայ՝ օրինօք վճարել զգործն. եւ նոքա ամբաստանեալ վերստին վարեցին զնա 'ի դատաստան՝ ուր մտին 'ի դատ քննութեան առաջի այլազգեաց. և 'ի դերեւ հանեալ զամենայն ամբաստանութիւնս Գեորգայ, պարտաւորեցին զնա յատենի, եւ առին 'ի նմանէ զամենայն կահս զոր պահեալն էր. մինչեւ ասել Մկրտչի և Մանսուրայ թէ չունիմք այսուհետեւ պահանջս ինչ 'ի Գեորգայ. և ապա արձակեցին զնա, ԳՄ (1824) :

Սաչատուր եպիսկոպոս որդի Ապտուլահի փոխանորդ Յովհաննու, և Մանսուր որդի Ղաննէմի գործակից նմին, (անուն Արարացոց և օտար յազգային անուանց (՝) ). 'ի կարգի եղին ընդ Արարացիս զՂաֆար կոչեցեալ տուրս Բեթղէհէմի. եւ սահմանեցին զայն օրինօք դատարանի առնուլ յիւրաքանչիւր ուխտաւորէ 2 դրամ արծաթ բերիոյ, և աւելի քան զայն չպահանջել ինչ յուխտաւորաց և նեղել զնոսա :

Յաւուրս Յովհաննու Պատրիարքի գմբեթն օր 'ի վերայ Համբարձման ոտնատեղւոյն Գրիստոսի՝ 'ի լեառն Զիթեանեաց, խախտեալ և աւերեալ՝ և էր մերձ 'ի կործանիլ, և յերկիւղէ վտանգի չհամարձակէր ոք մտանել 'ի ներքս յերկրպագութիւն տեղւոյն : Իսկ Սաչատուր եպիսկոպոս և Մանսուր կամեցեալ շինել և նորոգել զայն. սակ արկին ընդ ճարտարապետի քաղաքին և ընդ այլոց ոմանց 5000 դահեկանի և միոյ վերարկուի, և զպայման՝ սակարկութեան հաստատեցին 'ի ձեռն դատաւորին, և նոքա ձեռնարկեալ

(՝) Թարգման կամ գործակատար Լատին վանաց :